



Arkiivaášši-dok. 17/00012-12 Arkiivkoda. 13
Áššemeannudeaddji Johan Ailo Mattias Kalstad

Áššejohtu Čoahkkinbeaivi
Allaskuvlastivra 2015-2019

S-05/18

JAHKEREHKETDOALLU 2017

Mearrádusa/mearrádusárvalusa evttohus:

Stivra dohkkeha Sámi allaskuvlla rehketdoalu beaiváduvvon 31.12.2017 aktan jođihangotti cealkámušain, juolludusbajilgovain ja notačilgehusain.

Mildosat:

1. Jođihangotti cealkámušat 2017 jahkereketdollui
2. Doaibmarehketdoallu áigodahttinprinsihpa ja juolludusbajilgovala mielde, aktan čuovvovaš dieđuiguin ja tabeallaiguin
3. Máhttodepartemeantta reive beaiváduvvon 15.12.2017 mii lea 2017 rehketdoalu birra
4. Riikarevišuvnna reive beaiváduvvon 11.12.2017 mii lea Sámi allaskuvlla rehketdoallo- ja jahkeloahpaheami birra

Áššečilgehus:

Jahkerekhetdoallu lea hábmeyuvvon daid prinsihpaid vuodul mat leat mearriduvvon stáhtalaš rehketdoallostandárdain, ja ovdanbidjo ovttavásttolaččat bajilgova plánaiguin, mat leat mearriduvvon universitehta- ja allaskuvlasuorgái. Gáibádusat allaskuvlla rehketdoalu bajilgovvii ja ovdanbuktímii ovdanbohtet earet eará Máhttodepartemeantta reivves, beaiváduvvon 15.12.2017, mii lea 2017 rehketdoalu birra. Loahpahuvvon rehketdoallu beaiváduvvon 31.12.2017 lea ovdanbidjon ja raporterejuvvon standárda bajilgovvaplána olis.

Jahkerekhetdoallu beaiváduvvon 31.12.2017 sisttisdoallá čuovvovaš geatnegahtton osiid:

- Jođihangotti cealkámušat
- Juolludusbajilgovva
- Doaibmarehketdoallu áigodahttinprinsihpa vuodul

Jahkerekhetdoallu aktan jođihangotti cealkámušaiguin guovvamánu 10.b. lea hálddahuslaččat dahkon. Stivrra gieđahallon jahkerekhetdoallu galgá ges ovdanbiddjot nu ahte jođihangotti mearkkašumit vuolláičállon stivramiellahtuin leat oassin 2017 jahkerekhetdoalus, mii galgá sáddejuvvot ovdal njukčamánu 15.b. 2017.

Jagi 2017 jahkerekhetdoallu loahpahuvvo 12,4 milj. ru. doaibmabadjelbáhčagiin. Válđoákkat dasa leat alladeappot sisaboadut go ovdošuvvon bušeahtas ja ain váilevaš čuovvleapmi prošeavttaid ja doaimmaid olis. Dasa lassin ferte badjelbáhčaga geahččat jagi 2017 loguid (dárogiillii: avregning) hárrái. Juolludeapmi jagi 2017 ovddas lea ollislaččat čállojuvvon sisaboahatun boadusrehketdoalus, juoga mii lea ođđa vuohki boadusbušeahta ja ovddit jagiid boadusrehketdoaluid ektui. Dat mearkkaša geavatlaččat ahte ovddit jagiid unnitgolaheamit fáttmastuvvojit sisaboahatun.

Goluid bealde lei KNOK 1 618 unnitgolaheapmi. Jus dárkileappot geahčestit obbalaš goluid, de dahket bálká ja sosiála golut 60%, viessoláigu fas dahká 18%. Obbalaš goluin lea 78% čadnon báلكáide ja viessoláigui. Sámi allaskuvla lea danin sorjávaš das ahte leat stabiila prošeaktaboadut ja merkejuvvon ruđat, sihke vai nagoda doaibmadási bisuhit ja vai nagoda láchit dárbbalaš doaibmanvejolašvuoda ášahusa joatkevaš ovdánahttimii.

Sámi allaskuvllas leat ain hástalusat mat gullet doaimmaid áiggil álggaheapmái. Ain lea plánen Sámi allaskuvllas váilevaš ja vuhttojit dávjá oanehisáiggi ad hoc-čovdosat, beare oanehis áigemearit ja ahte plánat eai heive oktii. Dasa lassin lea oahppofállu Sámi allaskuvllas oalle resursagáibideaddji go geahččá bargoveaga ektui, mii fas dagaha ahte diedalaš virggehasain gártá unnán áigi dutkandoaimmaide.

Sámi allaskuvla álggahii jagis 2017 rámmastivrema, mii lea addán sierranas bušeahttaruvttodagaide eanet geabbilvuoda ja ovddasvástádusa, daningo dál sáhttet sirddášit vuoruhemiid iežaset bušeahttarámma siskkobealde. Jagis 2017 lea maiddá ráhkaduvvon ođđa bargoveahkaplána mii dahká vuodu čielgaseappot resursaplánaide ja oahpuid guhkesáiggeplánaide. Dát mielddisbuktá ahte šaddá álkibut jođihangoddái ja stivrri dahkat dárbbalaš vuoruhemiid. Jagis 2018 galgá maiddá

hábmejuvvot ođđa juolludusjuohkinmodealla, seammás go bušeahttaproseassa álggahuvvo mealgat árabut, vai luovvana dilli stivrrain čadahit strategalaš digaštallamiid vuoruhemiid birra. Stuora molsašumiid dihte, organisašuvnnas obbalaččat ja ekonomijjaossodagas erenoamážit, lea dát bargu mannonan. Várrejumiit lassánedje maiddái jagis 2017. Lea ain hástaleaddji čatnat DMR-ruđaid prošeavttaide, muhto leat bidjon johtui doaimmat mat galget buoridit dáid ruđaid gullevaš plánema ja stivrema. Dán barggu áigut maiddái sirdit eará olggobealruhtaduvvon doaimmaide. Lea maid hástaleaddji leamaš stipendiáhtaid oččodit rekrutterenvirggiide, muhto leat bargame virgáibidjat vel guokte liige stipendiáhta lassin daidda čieža bistevaš sajiide mat leat čadnon MD juolludeapmái.

2017 čavčča lea ovttasbargu, mii lea ruhtaduvvon nu gohčoduvvon SAKS-ruđain, Romssa universitehtain konkretiserejuvvon. Buoridandoaimmaide leat ráhkaduvvon plánat ja oktavuodát ášahusaid gaskkas leat maiddái nanusnuvvon gaskajođiheddjiiddásis. Dássázii lea ulbmil leamašan buoridit SA ekonomijjamodealla lagas ovttasbarggu bokte Romssa universitehtain ja DFØ:n. Bargu lea čadahuvvon mannil go rehketoalloraporta lea sisa addon, ja dát bargu galgá dahkat ahte sihke olggobeal- ja siskkáldasraporterendoaimmat leat mealgat eanet ovttaiduvvon ja beavttálmahtton. Dasa lassin leat dárkkistan ja buoridan bargodábiid ja prosedyraid.

Jagis 2018 vuoruhit hukset lagat oktavuodáid Romssa universitehtain operatiiva dásis, go oaidnit ahte erenoamážit BOA:s, rehketoalus ja sisaoastimis dárbbášit gelbbolašvuodáhuksema. Dasa lassin áigut čadahit barggu ášahit ođđa fakturavuogádaga ja gilvočadahanneahkkeneavu.

Vuđoleappot guorahallan ovdanbuktojuvvo stivračoahkkimis.